

Eus  
an **20** d'an **28**  
A VIZ MAE  
**2022**

**AR**  
**REDDADEG**

**Teuliad pedagogel**



# AR REDADEG

## TAOLENN

|  |    |
|--|----|
| LIZHER KINNIG .....  | 3  |
| PETRA EO AR REDADEG ? .....                                | 4  |
| TEM AR BLOAZ .....   | 5  |
| RAKTRESOÙ KINNIGET HA DISPLEGET + DAREMPRED.....           | 6  |
| - RAKTRES 1 : AR BLEUSTRADEG .....                         | 7  |
| - RAKTRES 2 : DISKOUZEZADEG .....                          | 8  |
| - RAKTRES 3 : ISTORIOU AR REDADEG .....                    | 9  |
| - RAKTRES 4 : KINKLAÑ AR SKOL GANT LIVIOÙ AR REDADEG ..... | 10 |
| - RAKTRES 5 : DIFI ETRE AR SKOLIOU .....                   | 11 |



# AR REDADEG

## Lizher kinnig

da glasoù divyezhek an Deskadurezh Publik,  
da glasoù divyezhek an Deskadurezh Katolik,  
da skolioù Diwan

Roazhon, d'an 8 a viz Du 2021

### Pal : Redadeg 2022

Mignoned, kenvroiz ker,

Kavout a reoc'h a-gevret un teuliad pedagogel evit klasoù ha skolioù ho kevredigezh. Laouen e vefemp ma c'hallfec'h treuzkas anezhañ da bep klas ha da bep skol en ho rouedad.

El lizher-mañ ez eus kinniget d'ar skipailhoù pedagogel a blijfe dezho kemer perzh e Redadeg 2021 oc'h aozañ darvoudoù tro-dro d'ar brezhoneg.

**Deiziad ar Redadeg e 2022 : 20-28 a viz Mae.**

Evit gwir, pelloc'h c'hoazh eget lakaat ar vugale da gemer perzh er Redadeg, ar pezh a chom un dra bouezus-kenañ ha plijus evito, e soñj dimp ez eo ar Redadeg un digarez a-zoare evit lakaat war wel al labour graet gant ar skipailhoù pedagogel ha talvoudekaat anezhañ. Evel-se e vo tennet splot eus an darvoud evit komz ha lakaat komz eus ar brezhoneg tro-dro deoc'h.

Seul vuioc'h e kresko ar Redadeg, seul vuioc'h a grouidigezh hag a lañs a vo, seul vuioc'h e vimp klevet ha gwelet ! Sur omp ha c'hwi ivez e vo kaset war-raok hor pal boutin o labourat a-gevred.

Ar Redadeg zo un digarez efedus-tre da ziskouez hor youl da gas hor yezh war-raok gant ur skeudenn bozitel ha gant startijenn. Dre-se e c'hall reiñ d'an dud c'hoant da zeskiñ hor yezh ha da dreuzkas anezhi.

Gant hor gwellañ gourc'hemennoù

Skipailh ar Redadeg



# Petra eo ar Redadeg ? **AR REDADEG**

Ar redadeg a-eilek brudet-tre « Ar Redadeg », savet e 2008 hag a vez redet bep eil bloaz, a lide he 10 vloaz e 2018 evit ar 6vet kendarvoud. Ur gouel a-dreuz Breizh eo hag a vod an dud deiz ha noz, hep arsav ebet. Ar 8vet kendarvoud e vo aozet e miz Mae 2022.

Arouez treuzkas ar brezhoneg a rummad da rummad, ur yezh vev, oberiant ha gant startijenn eo ivez.

Ouzhpenn 10 000 a dud o deus kemeret perzh bep bloaz. Ar Redadeg a zo un darvoud pouezus-tre e Breizh e lec'h ma c'hell pep hini diskouez emañ a-du gant ar brezhoneg o heuliañ ar redadeg kement ha m' en deus c'hoant par ma c'hell.

**Ar Redadeg a zo ur mare fromus bevet a-stroll, ur gouel a chom merket e eñvorennoù ar re a gemer perzh enni.**

2022 km a hirder e raio ar Redadeg e 2022 ha treuziñ a raio ouzhpenn 300 kumun. E-kichen ho skol e tremeno a dra-sur !

**Deiziadoù ar Redadeg : 20-28 a viz Mae 2022 eus Gwitreg betek Gwened !**



# Tem ar bloaz Breizh a-bep Reizh

# AR REDADEG

## Petra fell d'ar Redadeg lakaat war-wel gant al lugan-se ?

E Breizh evel e pep lec'h 'vez kavet dizingalded a bep seurt etre pobleù minorelaet, rummadoù tud, diforc'hioù reizhel, liammet gant ar mennerezh sokial. Soñjoù hag emzalc'h an dud a c'hell cheñch hervez al levezon pe ar redioù pe c'hoazh ar bevennoù embreget gant ar gevredigezh hec'h-unan. Ar ster reizh a zo ledan en e brezhoneg, ken ledan ha talvoudus da gement hini ac'hanomp er bed.

"**Breizh a bep reizh**" a c'hell talvezout meur a dra, ha moarvat ho peus c'hwi ivez hoc'h alioù hag ho preder :

An ingalded etre merc'hed ha paotred, bezañ kompez ha reoliek, bezañ en he/e reizh, doujañ ouzh liesseurted an identelezh reizhel, ober un dra bennak reizh, bezañ a-gevred gant doareoù ober an hini a gaver a-dal deomp, hag all... Hiriv an deiz 'vez kuzhet an disheñvelderioù-se betek re, ha dasparzhet mennozhioù a-enep d'an ingalded.

Padal e ouit eveldomp eo niverus ar stered en oabl ken ma n'haller ket kontañ anezho holl.

Memes mod evit ar maouezed hag an dud gant un identelezh reizhel disheñvel diouzh ar re all :

Ken niverus int e Breizh, hag int o krouiñ bemdez evit hor yezh, ken ma na weler ket a-walc'h o labour graet war dachennoù a bep seurt, ha koulskoude emaint en hon touez.

Emaint e bed ar varzhoniezh, an dañs, ar c'han, ar c'helenn, al labour-douar, al livañ, ar c'hleweled, ar sonerezh, ar c'hoariva, ar stourm, ar c'hevredigezhioù, ar skiantoù, ar bolitikerezh, pe al lennegezh, da lâret eo tachennoù liesseurt hag a zo talvoudus deomp holl war hon zammig boull-douar. Luskerezed ar metoù-se 'zo niverus-mat, poent diskoachañ anezho, reiñ fiziañs dezho, bezañ emskiant eus ar preder koulz hag eus an ober, ha reiñ lañs d'an treuzkas a remziad da remziad !

Sed-aze pal Redadeg 2022, lakaat war-wel ar re na vezont ket klevet, ha diskoachañ reoù ha na vezont ket lakaet alies a-walc'h war penn-a-raok ar vag, o sturiañ, o henchañ hag oc'h aweniñ an dud er gevredigezh.





# AR REDADEG

## Kemerit perzh er chadenn ar skolioù gant ho skolidi !

Kavout a rit amañ un nebeud raktresoù kinniget e-pad ar Redadegoù tremenet hag a c'hellont bezañ ledanaet bep bloaz er skolioù. Ar pep pouezusañ eo kemer perzh, bezañ gwelet, kaout plijadur, klevout, lakaat da glevout hag ober gant ar brezhoneg ! Hag holl asambles e tiskouezimp hor c'hoant da gaout ur yezh yac'h ha bev e Breizh !

**Kinnig a reomp deoc'h kemer perzh er fest-mañ en ur sevel chadenn ar skolioù :**

1 - Dibabit ur raktres (pe muioc'h) en teuliad-mañ. Gell a rit bezañ awenet gant tem ar bloaz : **Breizh a-bep Reizh !**

2 - Kasit ho choaz deomp dre ar c'houlennaoueg a kavit enlinenn war hol lec'hienn internet (rubrikenn Korn ar skolioù evit renabliñ ar skolioù o kemer perzh)

3 - **Kasit fotoioù an abadenn deomp** a-hed ar bloaz evit lakaat ar raktresoù war wel. Tagit pajenn facebook Ar Redadeg en ur lakaat @ar.redadeg war embannadenn pajenn Facebook ho skol ha pe ho kevredigezh lec'hel. Rannet e vo war hon rouedadoù sokial ganeomp.

Mennozhioù all ho peus ? Na chomit ket da dortal da ijinañ raktresoù all.

Da skouer :

- kenstrivadeg tresadennoù
- kenstrivadeg bannoù-treset
- panneloù gant gerioù brezhoneg er gumun
- kenstrivadeg katevenn Redadeg 2020
- abadenn radio diwar-benn ar Redadeg pe an tem : Breizh a-bep Reizh !

**Darempred**

Cyril - cyril@ar-redadeg.bzh – 06 13 30 19 49



# Raktres 1 : ar bleustradeg

# AR REDADEG

Kinnig a reomp un dra simpl-tre deoc'h : Evit en em dommañ a-raok redek e gm e pep skol d'ar memes deiziad ha d'ar memes euriad an holl asambles e Breizh a-bezh.

- Anv an raktres : **ar Bleustradeg evit en em dommañ**

- An deiziad : d'ar **Gwener 20 a viz Mae da 10e30** (hervez euriad an ehan e pep skol)

- Mont en-dro :

1) Kerzhit da redek gant ar vugale (gant plijadur ha spered mat) e-pad ar bloavezh a-raok ar Redadeg.

2) **Pellgargit ar vazh-test da ginklañ hag an dosar da leuniañ gant niverenn km prenet** gant kevredigezh kerent ar vugale ho skol.

3) **Lakait da redek ar vugale gant ar vazh-test hag an dosar er skol** pe en em gavit gant skolioù all da redek asambles d'an 20/05/2022 da 10e30.

4) Kasit fotoioù an abadenn deomp evit lakaat ar raktresoù war wel. **Tagit pajenn facebook Ar Redadeg en ur lakaat @ar.redadeg** war embannadenn pajenn Facebook ho skol ha pe ho kevredigezh lec'hel. Rannet e vo war hon rouedadoù sokial ganeomp.

Elfennoù da bellgargañ : <https://www.ar-redadeg.bzh/br/korn-ar-skoliou/ar-bleustradeg>



# Raktres 2 : Diskouezadeg

# AR REDADEG

Kinnig un diskouezadeg er skol/skolaj/lise

- Anv ar raktres : **Diskouezit ho redadeg !**
- Mont en-dro :

1) **Klaskit titouroù diwar-benn ar Redadeg.** Gallout a rit ober gant titouroù a zo **war lec'hienn internet ar Redadeg** hervez an temoù a blij deoc'h ([www.ar-redadeg.bzh](http://www.ar-redadeg.bzh))

- Petra eo ar Redadeg
- Tem ar bloaz
- Kemennadennoù ar Redadeg
- Ar Redadegoù all en Europa
- Etc....

2) **Kinnig skritelloù gant disoc'hoù hoc'h enklask**

3) **Kasit fotoioù deomp** evit lakaat ar raktresoù war wel. **Tagit pajenn facebook Ar Redadeg en ur lakaat @ar.redadeg** war embannadenn pajenn Facebook ho skol ha pe ho kevredigezh lec'hel. Rannet e vo war hon rouedadoù sokial ganeomp.



*Diskouezadeg divyezhek...*



*...savet gant skolajidi Gvet klas...*



*...e skolaj Jean-Marie Le Bris  
e Douarnenez.*





# Raktres 3 : **AR REDADEG**

Petra a c'hell c'hoarvezout war hent ar redadeg ? Ur gwallzarvoud, rederien iskis, un aerouant ? A bep seurt traoù a c'hell bezañ ijinet. Mennozhioù e-leizh, plijadur ha fent met traoù kriz ivez. Plijadur da skrivañ, da glask, met labour ivez evit adlenn, difaziañ...


- Anv ar raktres : **Ar Redadeg hag al Lennegezh**

- Mont en-dro :

1) **Klaskit titouroù diwar-benn ar Redadeg.** Gallout a rit ober gant titouroù a zo war lec'hienn internet ar Redadeg hervez an temoù a blij deoc'h. ([www.ar-redadeg.bzh](http://www.ar-redadeg.bzh))

2) **Ijinit un istor a-stroll** er c'hlasad.

3) **Kasit fotoioù ha testennoù deomp** evit lakaat ar raktresoù war wel. **Tagit pajenn facebook Ar Redadeg en ur lakaat @ar.redadeg** war embannadenn pajenn Facebook ho skol ha pe ho kevredigezh lec'hel. Rannet e vo war hon rouedadoù sokial ganeomp.



# Raktres 4 : Kinklañ ar skol gant livioù ar Redadeg

# AR REDADEG




- Anv ar raktres : **Kinklith ho skol gant livioù ar Redadeg**
- Mont en-dro :

1) **Implijit skeudennoù nevez ar Redadeg liammet get livioù ar skritell**

2) Dibabit ur stumm a blij deoc'h : skritell, tresadennoù, gitonioù, leternioù-hud, bazh-test... ha kinklith ar c'hlas, ar skol pe lec'h tremen ar Redadeg er gumun.

3) **Kasit fotoioù deomp** evit lakaat ar raktresoù war wel. **Tagit pajenn facebook Ar Redadeg en ur lakaat @ar.redadeg** war embannadenn pajenn Facebook ho skol ha pe ho kevredigezh lec'hel. Rannet e vo war hon rouedadoù sokial ganeomp.

Elfennoù da bellgargañ : <https://ar-redadeg-cloud.kaz.bzh/s/ar6ME8XCHtr4Y7>





## Raktres 5 : Difi etre ar skolioù

# AR REDADEG

- Anv ar raktres : **Difi ar skolioù**

- Mont en-dro :

1) **Mont e darempred get ur skol all** : memes kumun pe tro-dro

2) **Dibabit ur raktres** (unan kinniget en teuliad-mañ pe unan ijinet genoc'h) ha kasit ar raktres da-benn etre an 2 skol (eskemmoù ha darempredoù etre ar skolioù)

3) **Kasit fotoioù deomp** evit lakaat ar raktresoù war wel. **Tagit pajenn facebook Ar Redadeg en ur lakaat @ar.redadeg** war embannadenn pajenn Facebook ho skol ha pe ho kevredigezh lec'hel. Rannet e vo war hon rouedadoù sokial ganeomp.

